

tardius ire permittitur : sed omnes urgentur pari motu, nec diverso impelluntur accessu. Neque enim cui vita brevior fuit , celerius diem duxit, quam ille cui longior : sed cum æqualiter et æqualia momenta raperentur ambo bus, alter habuit proprius , alter remotius, quo non impari velocitate ambo currebant. Aliud est autem amplius viæ peregrisse , aliud tardius ambulasse. Qui ergo usque ad mortem productiora spatia temporis agit, non lentius pergit, sed plus itineris conficit. Porro si ex illo quisque incipit mori, hoc est, esse in morte , ex quo in illo agi coeperit ipsa mors , id est, vitæ detractio , quia cum detra hendo finita fuerit, post mortem jam erit, non in morte : profecto ex quo esse incipit in hoc corpore, in morte est. Quid enim aliud diebus , horis, momentisque singulis agitur, donec ea consumpta mors quæ agebatur, implatur; et incipiat jam tempus esse post mortem, quod cum vita detraheretur, erat in morte? Nunquam igitur in vita homo est, ex quo est in corpore isto moriente potius quam vivente, si et in vita et in morte simul non potest esse. An potius et in vita et in morte simul est; in vita scilicet in qua vivit, donec tota detrahatur; in morte autem, qua jam moritur, cum vita detrahitur? Si enim non est in vita, quid est quod detrahitur, donec ejus fiat perfecta consumptio? Si autem non est in morte , quid est vitæ ipsa detractio? Non enim frustra cum vita fuerit corpori tota detracta, post mortem jam dicitur, nisi quia mors erat, cum detraheretur. Nam si, ea detracta, non est homo in morte , sed post mortem; quando, nisi cum detrahitur, erit in morte?

## CAPUT XI.

*An quisquam simul et vivens esse possit, et mortuus.*

I. Si autem absurdum est, ut hominem antequam ad mortem perveniat, jam esse dicamus in morte; ( cui enim propinquat peragendo vitæ suæ tempora, si jam in illa est?) maxime quia nimis est insolens, ut simul et vivens esse dicatur et moriens, cum vigilans et dormiens simul esse non possit, quærendum est quando erit moriens. Etenim antequam mors veniat, non est moriens, sed vivens : cum vero mors venerit, mortuus erit, non moriens. Illud ergo est adhuc ante mortem, hoc jam post mortem. Quando ergo in morte? (tunc enim est moriens,) ut quemadmodum tria sunt cum dicimus, ante mortem, in morte, post mortem; ita tria singulis singula, vivens, moriens, mortuusque reddantur. Quando itaque sit moriens, id est, in morte, ubi neque sit vivens, quod est ante mortem, neque mortuus, quod est post mortem, sed moriens, id est, in morte, difficillime definitur. Quandiu quippe est anima in corpore, maxime si etiam sensus adsit, procul dubio vivit homo, qui constat ex anima et corpore ; ac per hoc adhuc ante mortem, non in morte esse dicendus est : cum vero anima abscesserit, omnemque abstulerit corporis sensum, jam post mortem mortuusque prohibetur. Perit igitur inter utrumque, quo moriens, vel in morte sit : quoniam si adhuc vivit, ante mortem est; si vivere destitit, jam post mortem est. Nunquam ergo moriens, id est, in morte esse comprehenditur. Ita etiam in transcursu temporum quæritur præsens, nec invenitur:

quia sine ullo spatio est, per quod transitur ex futuro in praeteritum. Nonne ergo videndum est, ne ista ratione mors corporis nulla esse dicatur? Si enim est, quando est, quæ in nullo, et in qua ullus esse non potest? Quandoquidem si vivitur, adhuc non est; quia hoc ante mortem, non in morte: si autem vivere jam cessatum est, jam non est; quia et hoc post mortem est, non in morte? Sed rursus si nulla mors est ante vel post, quid est quod dicitur ante mortem, sive post mortem? Nam et hoc inaniter dicitur, si mors nulla est. Atque utinam in paradiſo bene vivendo egiſsemus ut revera nulla esſet mors. Nunc autem non ſolum eſt, verum etiam tam moleſta eſt, ut nec ulla explicari locutione poſſit, nec ulla ratione vitari.

II. Loquamur ergo secundum conſuetudinem; non enim aliter debemus: et dicamus ante mortem, prius quam mors accidat; ſicut scriptum eſt: « Ante mortem » ne laudes hominem quemquam<sup>1</sup>. » Dicamus etiam cum acciderit: « Post mortem illius vel illius factum eſt illud vel illud. » Dicamus et de praesenti tempore ut poſſumus, velut cum ita loquimur: « Moriens ille testatus eſt, et illis atque illis illud atque illud moriens dereliquit: » quamvis hoc niſi vivens omnino facere non poſſet, et potius hoc ante mortem fecerit, non in morte. Loquamur etiam ſicut loquitur Scriptura divina, quæ mortuos quoque non post mortem, ſed in morte eſſe non dubitat dicere. Hinc enim eſt illud: « Quoniam non eſt in morte, qui memor ſit tui<sup>2</sup>. » Donec enim reviviscant, recte dicuntur eſſe in morte: ſicut in ſomno eſſe quisque, donec evigilet, dicitur: quamvis in ſomno poſtos dicamus dormientes, nec tamen eo modo poſſumus dicere eos, qui jam ſunt mortui, morientes. Non enim adhuc moriuntur, qui quantum attinet ad corporis mortem, de qua nunc diſserimus, jam ſunt a corporibus

<sup>1</sup> Eccli. xi, 30. — <sup>2</sup> Psal. vi, 6.

separati. Sed hoc eſt, quod dixi explicari aliqua locutione non poſſe, quoniam modo vel morientes dicantur vivere, vel jam mortui etiam post mortem adhuc eſſe dicantur in morte. Quomodo enim post mortem, ſi adhuc in morte? Præſertim cum eos nec morientes dicamus, ſicut eos, qui in ſomno ſunt, dicimus dormientes; et qui in languore, languentes; et qui in dolore, utique dolentes; et qui in vita, viventes: at vero mortui prius quam resurgent, eſſe dicuntur in morte, nec tamen poſſunt appellari morientes. Unde non importune, neque incongrue arbitror accidiffe, etsi non humana industria, judicio, fortasse divino, ut hoc verbum quod eſt, moritur, in latīna lingua nec Grammatici declinare poṭuerint, ea regula qua cætera talia declinantur. Namque ab eo quod eſt oritur, fit verbum praeteriti temporis, ortus eſt: et ſi qua similia ſunt, per temporis praeteriti participia declinantur. Ab eo vero quod eſt moritur, ſi quæreramus praeteriti temporis verbum, responderi adſolet, mortuus eſtu littera geminata. Sic enim dicitur mortuus; quomodo fatuus, arduus, conſpicuus, et ſi qua similia, quæ non ſunt praeteriti temporis, ſed quoniam nomina ſunt, ſine tempore declinantur. Illud autem, quaſi ut declinetur, quod declinari non poſſet, pro particípio praeteriti temporis ponitur nomen. Convenienter itaque factum eſt, ut quemadmodum id quod ſignificat, non poſſet agendo, ita iſipsum verbum declinari loquendo non poſſit. Agi tamen poſſet in adjuſtorio gratiae Redemptoris nostri, ut ſaltem ſecundam mortem declinare poſſimus. Illa enim eſt gravior, et omnium malorum pessima, quæ non fit separatione animæ et corporis, ſed iū aeternam poenam potius utriusque complexu. Ibi e contrario non erunt homines ante mortem atque post mortem, ſed ſemper in morte: ac per hoc nunquam viventes, nunquam mortui, ſed ſine fine morientes.

Nunquam enim erit homini pejus in morte quam ubi erit mors ipsa sine morte.

### CAPUT XII.

*Quam mortem primis hominibus Deus, si mandatum ejus transgredierentur, fuerit comminatus.*

Cum ergo requiritur, quam mortem Deus primis hominibus fuerit comminatus, si ab eo mandatum transgredierentur acceptum, nec obedientiam custodirent; utrum animae, an corporis, an totius hominis, an illam quae appellatur secunda: respondendum est: «Omnis.» Prima enim ex duabus constat: secunda ex omnibus tota. Sicut enim universa terra ex multis terris, et universa Ecclesia ex multis constat Ecclesiis, sic universa mors ex omnibus. Quoniam prima constat ex duabus, una animae, altera corporis: ut sit prima totius hominis mors, cum anima sine Deo et sine corpore ad tempus poenas luit; secunda vero, ubi anima sine Deo cum corpore poenas aeternas luit. Quando ergo dixit Deus primo illi homini, quem in paradyso constituerat, de cibo vetito: «Quicumque die ederis ex eo, morte moriemini<sup>1</sup>.» non tantum primae mortis partem priorem, ubi anima privatur Deo; nec tantum posteriorem, ubi corpus privatur anima; nec solum ipsam totam primam, ubi anima et a Deo et a corpore separata punitur: sed quidquid mortis est usque ad novissimam, quae secunda dicitur, qua est nulla posterior, comminatio illa complexa est.

<sup>1</sup> Gen. ii, 17.

### CAPUT XIII.

*Prævaricatio primorum hominum, quam primam senserit poenam.*

NAM posteaquam præcepti facta transgressio est, confessim gratia deserente divina, de corporum suorum nuditate confusi sunt<sup>1</sup>. Unde etiam soli scilicet, quæ forte a perturbatis prima comperta sunt pudenda texerunt: quæ prius eadem membra erant, sed pudenda non erant. Senserunt ergo novum motum inobedientis carnis suæ, tanquam reciprocam poenam inobedientiae suæ. Jam quippe anima libertate in perversum propria delectata, et Deo dedita servire, pristino corporis servitio destituebatur: et quia superiorem Dominum suo arbitrio deseruerat, inferiorem famulum ad suum arbitrium non tenebat: nec omni modo habebat subditam carnem, sicut semper habere potuisset, si Deo subdita ipsa mansisset. Tunc ergo coepit caro concupiscere adversus spiritum<sup>2</sup>: cum qua controversia nati sumus trahentes originem mortis, et in membris nostris vitiataque natura contentionem ejus sive victoriam de prima prævaricatione gestantes.

<sup>1</sup> Gen. iii, 7. — <sup>2</sup> Gal. v, 17.

dati. nam quando timore clementi secesserunt homini datus. nam unique ignorando querens, sed increpando admonens, et attenderet ubi esset, in quo non esset Deus. Cum vero corpus anima ipsa desertar etate corruptum et senectute conlectum, venit in experimentum mors altera, de qua Deus peccatum adhuc puniens homini dixerat: «Terra es, et in terram ibis».

<sup>3</sup> Gen. ii, 17. — <sup>4</sup> Id. iii, 7. — <sup>5</sup> Ibid. 9. — <sup>6</sup> Ibid. 19.

## CAPUT XIV.

*Qualis homo sit factus a Deo, et in quam sortem  
deciderit suæ voluntatis arbitrio.*

Deus enim creavit hominem rectum, naturarum auctor, non utique vitiorum: sed sponte depravatus justèque damnatus depravatos damnatosque generavit. Omnes enim fuimus in illo uno, quando omnes fuimus ille unus, qui per fœminam lapsus est in peccatum, quæ de illo facta est ante peccatum. Nondum erat nobis singillatim creata et distributa forma, in qua singuli viveremus; sed jam natura erat seminalis, ex qua propagaremur: quæ scilicet propter peccatum vitiata, et vinculo mortis obstricta, justèque damnata, non alterius conditionis homo ex homine nasceretur. Ac per hoc a liberi arbitrii mālo usu series hujus calamitatis exorta est, quæ humanum genus origine depravata, velut radice corrupta, usque ad secundæ mortis exitium, quæ non habet finem, solis eis exceptis, qui per gratiam Dei liberantur, miseriarum connexione perducit.

## CAPUT XV.

*Quod Adam peccans prius reliquerit Deum, quam  
relinqueretur a Deo; et primam fuisse animæ  
mortem a Deo recessisse.*

QUAMOREM etiamsi in eo quod dictum est; « Morte morimini<sup>1</sup>, » quoniam non est dictum, « Mortibus, » eam solam intelligamus. Quæ fit cum anima deseritur sua vita, quod illi Deus est: (Non enim deserta est ut desereret, sed ut desereretur, deseruit. Ad malum quippe ejus prior est voluntas ejus: ad bonum vero ejus prior est voluntas Creatoris ejus; sive ut eam faceret, quæ nulla erat; sive ut reficiat, quæ lapsa perierat) etiamsi ergo hanc intelligamus Deum denuntiasse mortem, in eo quod ait: « Qua die ederitis ex illo, morte morimini; » tanquam diceret: « Qua die me deserueritis per inobedientiam, deseram vos per justitiam: » profecto in ea morte etiam cæteræ denuntiatæ sunt, quæ procul dubio fuerant securæ. Nam in eo quod inobediens motus in carne animæ inobedientis exortus est, propter quem pudenda texerunt<sup>2</sup>, sensa est mors una, in qua deseruit animam Deus. Ea significata est verbis ejus, quando timore dementi sese abscondenti homini dixit: « Adam ubi es<sup>3</sup>? » non utique ignorando quærens, sed increpando admonens, ut attenderet ubi esset, in quo non esset Deus. Cum vero corpus anima ipsa deseruit ætate corruptum et senectute confectum, venit in experimentum mors altera, de qua Deus peccatum adhuc puniens homini dixerat: « Terra es, et in terram ibis<sup>4</sup>: »

<sup>1</sup> Gen. ii, 17. — <sup>2</sup> Id. iii, 7. — <sup>3</sup> Ibid. 9. — <sup>4</sup> Ibid. 19.

ut ex his duabus mors illa prima , quæ totius est hominis, completeret, quam secunda in ultimo sequitur, nisi homo per gratiam liberetur. Neque enim corpus, quod de terra est, rediret in terram, nisi sua morte, quæ illi accidit, cum deseritur sua vita, id est, anima. Unde constat inter Christianos veraciter catholicam tenentes fidem, etiam ipsam nobis corporis mortem, non lege naturæ, qua nullam mortem homini Deus fecit, sed merito inflictam esse peccati: quoniam peccatum vindicans Deus, dixit homini, in quo tunc omnes eramus, « Terra es, et in terram ibis. »

### CAPUT XVI.

*De philosophis, qui animæ separationem a corpore non putant esse pœnalem, cum Plato inducat summum deum diis minoribus promittentem, quod nunquam sint corporibus exuendi.*

I. Sed philosophi, contra quorum calumnias defendimus Civitatem Dei, hoc est, ejus Ecclesiam, sapienter sibi vindicentur irridere quod dicimus, animæ a corpore separationem inter pœnas ejus esse deputandam: quia videlicet ejus perfectam beatitudinem tunc illi fieri existmant, cum omni prorsus corpore exuta ad Deum simplex et sola et quodam modo nuda redierit. Ubi si nihil, quo ista refelleretur opinio, in eorum litteris invenirem, operosius mihi disputandum esset, quo demonstrarem non corpus esse animæ, sed corruptibile corpus onerosum. Unde illud est quod de Scripturis nostris in superiori libro commemoravimus; « Corpus enim corruptibile aggravat animam! » Addendo utique « Corruptibile, » non qua-

licumque corpore, sed quale factum est ex peccato consequente vindicta, animam perhibituit aggravari. Quod etiamsi non addidisset, nihil aliud intelligere deberemus. Sed cum apertissime Plato deos a summo Deo factos habere immortalia corpora prædicet, eisque ipsum Deum, a quo facti sunt, inducat pro magno beneficio pollicentem, quod in æternum cum suis corporibus permanebunt, nec ab eis ulla morte solventur: quid est quod isti ad exagitandam christianam fidem fingunt se nescire, quod sciunt? aut etiam sibi repugnantes adversum se ipsos malunt dicere, dum nobis non desinant contradicere? Nempe Platonis hæc verba sunt, sicut ea Cicero in latinum vertit, (4) quibus inducit sumnum Deum deos, quos fecit, alloquenter ac dicentem: « Vos qui deorum satu orti estis, attendite quorum operum ego parens effectorque sum. Hæc sunt indissolubilia me invito: quamquam omne colligatum solvi potest. Sed haudquaquam boni est, ratione vincere dissolvere velle. Sed quoniam estis orti, immortales vos quidem esse et indissolubiles non potestis: nequaquam tamen dissolvemini, neque vos ulla mortis fata periment, nec erunt valentiora quam consilium meum, quod majus est vinculum ad perpetuitatem vestram, quam illa quibus estis, tum cum gignebamini, colligati<sup>1</sup>. » Ecce deos Plato dicit et corporis animæque colligatione mortales, et tamen immortales Dei, a quo facti sunt, voluntate atque consilio. Si ergo animæ pœna est, in qualicumque corpore colligari, quid est quod eos alloquens Deus tanquam sollicitos, ne forte moriantur, id est, dissolvantur a corpore, de sua facit immortalitate securos? non propter eorum naturam, quæ sit compacta, non simplex, sed propter suam

<sup>1</sup> Plato in Timæo.

invictissimam voluntatem , qua potens est facere , ut nec  
orta occidant , nec connexa solvantur , sed incorruptibili-  
liter perseverent ?

II. Et hoc quidem utrum Plato verum de sideribus di-  
cat , alia quæstio est . Neque enim ei continuo conceden-  
dum est , globos istos luminum sive orbiculos luce cor-  
porea super terras , seu die , seu nocte fulgentes , suis  
quibusdam propriis animis vivere , eisque intellectualibus  
et beatis , quod etiam de ipso universo mundo , tanquam  
uno animali maximo , quo cuncta cætera continerentur  
animalia , instanter affirmat . Sed hæc , ut dixi , alia quæstio  
est , quam nunc discutiendam non suscepimus . Hoc tan-  
tum contra istos commemorandum putavi , qui se Platoni-  
cos vocari vel esse gloriantur , cuius superbia nominis  
erubescunt esse Christiani , ne commune illis cum vulgo  
vocabulum , vilem faciat palliatorum tanto , (5) magis  
inflatam , quanto magis exiguum paucitatem : et quæren-  
tes quid in doctrina christiana reprehendant , exagitant  
aeternitatem corporum , tanquam hæc sint inter se con-  
traria , ut et beatitudinem quæramus animæ , et eam sem-  
per esse velimus in corpore , velut ærumnoso vinculo col-  
ligatam : cum eorum auctor et magister Plato , donum a  
Deo summo diis ab illo factis dicat esse concessum , ne  
aliquando moriantur , id est , a corporibus , quibus eos  
connexuit , separantur .

Contra eos , qui asserunt terrena corpora incorrup-  
tibia fieri et æterna non posse .

I. CONTENDUNT etiam isti terrestria corpora sempiterna  
esse non posse , cum ipsam universam terram Dei sui , non  
quidem summi , sed tamen magni , id est , totius hujus  
mundi membrum in medio positum et sempiternum esse  
non dubitent . Cum ergo Deus ille summus fecerit eis al-  
terum quem putant Deum<sup>1</sup> , id est , istum mundum ,  
cæteris diis , qui infra eum sunt , præferendum , eundem  
que esse existiment animantem , anima scilicet , sicut  
asserunt , rationali vel intellectuali in tam magna mole  
corporis ejus inclusa ; ipsiusque corporis tanquam membra  
locis suis posita atque digesta , quatuor constituerit ele-  
menta , quorum juncturam , ne unquam deus eorum tam  
magnus moriatur , insolubilem ac sempiternam velint : quid  
causæ est , ut in corpore majoris animantis tanquam medium  
membrum æterna sit terra , et aliorum animantium terres-  
trium corpora , si Deus sicut illud velit , æterna esse non  
possint ? Sed terre , inquiunt , terra reddenda est , unde  
animalium terrestria sumpta sunt corpora : ex quo fit ,  
inquiunt , ut ea sit necesse dissolvi et emori ; et eo modo  
terræ stabili ac sempiternæ , unde fuerant sumpta , resti-  
tui . Si quis hoc etiam de igne similiter affirmet , et dicat  
reddenda esse universo igni corpora , quæ inde sumpta  
sunt , ut coelestia fierent animalia , nonne immortalitas ,  
quam talibus diis , velut Deo summo loquente , promisit

<sup>1</sup> Plato in Timæo .

Plato, tanquam violenta disputationis hujus intercidet? An ibi propterea non sit, quia Deus non vult, cuius voluntatem, ut ait Plato, nulla vis vincit? Quid ergo prohibet, ut hoc etiam de terrestribus corporibus Deus possit efficere, quandoquidem ut nec ea quæ orta sunt, occidant, nec ea quæ sunt juncta solvantur, nec ea quæ sunt ex elementis sumpta reddantur, atque ut animæ in corporibus constitutæ nec unquam ea deserant, et cum eis immortalitate ac sempiterna beatitudine perfruantur, posse Deum facere confitetur Plato? Cur ergo non possit, ut nec terrestria moriantur? An Deus non est potens quo usque Christiani credunt, sed quo usque Platonici volunt? Nimirum quippe consilium Dei et potestatem potuerunt philosophi, nec potuerunt nosse Prophetæ? cum potius e contrario Dei Prophetas ad enuntiandam ejus, quantum dignatus est, voluntatem, Spiritus ejus docuerit; philosophos autem in ea cognoscenda conjectura humana deciperit.

II. Verum non usque adeo decipi debuerunt, non solum ignorantia, sed magis etiam pervicacia, ut et sibi apertissime refragentur, magnis disputationum viribus asserentes, animæ, ut beata esse possit, non terrenum tantum, sed omne corpus esse fugiendum; et deos rursus dicentes habere beatissimas animas, et tamen æternis corporibus illigatas, cœlestes quidem igneis, Jovis autem ipsius animam, quem mundum istum volunt, omnibus omnino corporeis elementis, quibus haec tota moles a terra in cœlum surgit, inclusam. Hanc enim animam Plato ab intimo terræ medio, quod geometrae centrum vocant, per omnes partes ejus usque ad cœli summa et extrema diffundi et extendi per numeros musicos opinatur, ut sit iste mundus animal maximum, beatissimum, sempiternum, cuius anima et perfectam sapientiæ felici-

tatem teneret, et corpus proprium non relinqueret; cu jusque corpus et in æternum ex illa viveret, et eam quamvis non simplex, sed tot corporibus tantisque compactum, hebetare atque tardare non posset. Cum igitur suspicionibus suis ista permittant, cur nolunt credere divina voluntate atque potentia immortalia corpora fieri posse terrena, in quibus animæ nulla ab eis morte separatæ, nullis eorum oneribus aggravatæ, sempiterne ac feliciter vivant, quod deos suos posse asserunt, in corporibus igneis, Jovemque ipsum regem eorum in omnibus corporeis elementis? Nam si animæ, ut beata sit, corpus est omne fugiendum, fugiant dii eorum de globis siderum, fugiat Jupiter de cœlo et terra: aut si non possunt, miseri judicentur. Sed neutrum isti volunt, qui neque a corporibus separationem audent dare diis suis, ne illos mortales colere videantur; nec beatitudinis privationem, ne infelices eos esse fateantur. Non ergo ad beatitudinem consequendam omnia fugienda sunt corpora; sed corruptibilia, molesta, gravia, moribunda; non qualia fecit primis hominibus bonitas Dei, sed qualia esse compulit poena peccati.

---

### CAPUT XVIII.

*De terrenis corporibus, quæ philosophi affirmant in cœlestibus esse non posse; quia quod terrenum est, naturali pondere vocetur ad terram.*

SED necesse est, inquit, ut terrena corpora naturale pondus vel in terra teneat, vel cogat ad terram: et video in cœlo esse non possint. Primi quidem illi homines in